



ШИНЖЛЭХ УХААН, ТЕХНОЛОГИЙН ИХ СУРГУУЛИЙН ЗАХИРЛЫН ТУШААЛ

2021 оны 10 сарын 20 өдөр

Дугаар

A/185

Улаанбаатар хот

ШУТИС-ийн багш, судлаачдын
“Best Research Paper 2021”
уралдаан зохион байгуулах тухай

ШУТИС-ийн дүрмийн 10.2, ШУТИС-ийн Технологийн сангийн журмын 4.4, Технологи дамжуулах журмын 18.2 дахь заалтууд, ШУТИС-ийн Эрдэм шинжилгээ, инновацийн үйл ажиллагааны 2021-2022 оны хичээлийн жилийн хуанлийг тус тус үндэслэн ТУШААХ нь:

1. ШУТИС-ийн багш, судлаачдын Олон улсад хэвлэгдсэн шилдэг судалгааны бүтээл шалгаруулах уралдааныг Монгол улсад Орчин цагийн боловсрол, шинжлэх ухааны салбар үүссэний 100 жил, Шинжлэх ухааны ажилтны өдрийг тохиолдуулан 2021 оны 11 дүгээр сард зохион байгуулахыг Эрдэм шинжилгээ, инновацийн газарт даалгасугай.

2. Уралдааны удирдамжийг нэгдүгээр хавсралтаар, шалгаруулах комиссыг хоёрдугаар хавсралтаар, төсвийг гуравдугаар хавсралтаар тус тус баталсугай.

3. Холбогдох зардлыг батлагдсан төсвийн дагуу гаргахыг Эрдэм шинжилгээ, хамтын ажиллагаа эрхэлсэн дэд захирал (Т.Намнан), эрдэм шинжилгээ хариуцсан ахлах нягтлан бодогч (Б.Мөнхцэнгэл) нарт зөвшөөрсүгэй.

ЗАХИРАЛ



Б.ОЧИРБАТ

367341066

ШУТИС-ийн захирлын 20.21 оны 10 дугаар сарын
19-ны өдрийн /185-р тушаалын нэгдүгээр хавсралт



ШУТИС-ИЙН БАГШ, СУДЛААЧДЫН “BEST RESEARCH PAPER 2021” ШИЛДЭГ БҮТЭЭЛ ШАЛГАРУУЛАХ УРАЛДААНЫ УДИРДАМЖ

ҮНДЭСЛЭЛ:

ШУТИС-ийн багш, судлаачдын олон улсад нийтлэгдсэн бүтээлийг шалгаруулж урамшуулах, олон нийтэд таниулан сурталчлахад оршино.

ШУТИС-ИЙН БАГШ, СУДЛААЧДЫН ОУ-Д ХЭВЛЭГДСЭН СУДАЛГААНЫ ШИЛДЭГ БҮТЭЭЛИЙГ ДАРААХ ТӨРЛӨӨР ШАЛГАРУУЛНА. ҮҮНД:

1. Олон улсад хэвлүүлсэн эрдэм шинжилгээний өгүүлэл
2. Олон улсад хэвлүүлсэн хамгийн олон бүтээл

Олон улсын WOS, SCOPUS мэдээллийн санд бүртгэлтэй сэтгүүлд ШУТИС-ийн нэр дээр судалгааны ажлын үр дүнгээ хэвлүүлсэн тус их сургуулийн багш, судлаачдын бүтээл байна.

ШАЛГАРУУЛАЛТ:

- Бүтээлийг шалгаруулах комиссыг ШУТИС-ийн Захирлын тушаалаар баталгаажуулж, шалгаруулалтыг 2021 оны 11 дүгээр сарын 11-12-ны өдрүүдэд зохион байгуулна.
- Бүрэлдэхүүн сургууль, судалгааны төв, хүрээлэнгээс Олон улсад хэвлүүлсэн эрдэм шинжилгээний бүтээлүүдийг 2021 оны 10 дугаар сарын 29-ний өдрийг хүртэл ЭШИГ-т цахимаар /research@must.edu.mn/ болон хэвлэмэл байдлаар баталгаажуулан ирүүлнэ.
- Бүтээл тус бүр зөвхөн нэг ангилалд оролцоно /хамгийн олон бүтээл төрөлд хамаарахгүй/
- ОУ-д хэвлүүлсэн ЭШ-ний өгүүлэл /journal article, review paper/ шалгаруулах чиглэл:
 1. Инженерчлэл, техник-технологи
 2. Байгалийн ухаан, хэрэглээний шинжлэх ухаан
 3. Нийгэм, хүмүүнлэгийн ухаан



ШУТИС-ийн захирлын 2021 оны 10 дугаар сарын 19-ны өдрийн 9/125-р тушаалын нэгдүгээр хавсралт

ШУТИС-ИЙН БАГШ, СУДЛААЧДЫН ОУ-д ХЭВЛЭГДСЭН СУДАЛГААНЫ ШИЛДЭГ БҮТЭЭЛ ШАЛГАРУУЛАЛТ

Тавигдах шаардлага	Бүрдүүлэх материал	Шагнал урамшуулал
Хамрах хугацаа: /2019.10.01-2021.10.01/		
<p>А. ЭШ-ний өгүүлэл /journal article, review paper/: -Олон улсын мэдээллийн сан /WOS, SCOPUS/-д бүртгэлтэй сэтгүүлд ШУТИС-ийн нэр дээр хэвлэгдсэн байх; -Тухайн сэтгүүлийн IF, Cite Score-ийг харгалзах; -Эш татагдсан байдлыг харгалзах; -МУ-ын болон ШУТИС-ийн Тэргүүлэх чиглэлүүдэд чиглэсэн судалгааны ажил байх; -Гадаад, дотоодын хамтарсан төсөл, хөтөлбөр хэрэгжүүлсний үр дүнд гарсан судалгааны бүтээлийг харгалзах; -"Best research paper-2019" шалгаруулалтад оролцоогүй бүтээл байх; -Хурлын эмхэтгэл /Conference proceeding/-д хэвлүүлсэн бүтээл хамрагдахгүй.</p> <p>Б.Хамгийн олон бүтээл /journal article, review paper, review, proceeding, book chapter, note, letter буюу short communication, book review гэх мэт/: -Олон улсын мэдээллийн сан /WOS, SCOPUS, DIMENSIONS/-д бүртгэлтэй сэтгүүлд ШУТИС-ийн нэр дээр хэвлэгдсэн байх; -МУ-ын болон ШУТИС-ийн Тэргүүлэх чиглэлүүдэд чиглэсэн судалгааны ажил байх; -Гадаад, дотоодын хамтарсан төсөл, хөтөлбөр хэрэгжүүлсний үр дүнд гарсан судалгааны бүтээлийг харгалзах.</p> <p>Тайлбар: Үндсэн орон тооны багш, судлаач байна.</p>	<p>А. ЭШ-ний өгүүлэл /journal article, review paper/: -Нэр дэвшигчийн бүтээлийн жагсаалт /сүүлийн 4 жилд олон улсад хэвлүүлсэн судалгааны өгүүлэл, түүнийг ЭНБД-аар баталгаажуулсан байх/ - Судалгааны шилдэг өгүүлэлд нэр дэвшүүлэх саналаа маягт /Маягт 1/- ын дагуу бөглөж, өгүүлээ хавсаргах; -Тухайн судалгааны өгүүллийн талаар монгол хэлээр товч танилцуулга /А4-ийн 1 нүүр/; -Тухайн судалгааны өгүүллийг нэр дэвшүүлсэн бүрэлдэхүүн сургууль, хүрээлэнгийн Захирлын баталгаажуулсан албан бичиг.</p> <p>Б. Хамгийн олон бүтээл /journal article, review paper, review, proceeding, book chapter, note, letter буюу short communication, book review гэх мэт/: - Нэр дэвшигчийн бүтээлийн жагсаалт /сүүлийн 2 жилд олон улсад хэвлүүлсэн бүтээлүүд, түүнийг ЭНБД-аар баталгаажуулсан байх/ - Судалгааны хамгийн олон бүтээлд нэр дэвшүүлэх саналаа маягт /Маягт 2/- ын дагуу бөглөж, бүтээлүүдээ хавсаргах; -Тухайн судалгааны бүтээлүүдийн монгол хэл дээрх товч танилцуулга /А4-ийн 2 нүүр/; -Тухайн судалгааны бүтээлийг нэр дэвшүүлсэн бүрэлдэхүүн сургууль, хүрээлэнгийн Захирлын баталгаажуулсан албан бичиг.</p>	<p>I. Инженерчлэл, техник-технологи: 1. Нэгдүгээр зохиогч-1 /2 сая төг/ 2.Холбоо барих зохиогч-1 /2 сая төг/ 3. Хамтран зохиогч- 1 /1 сая төг/ II. Байгалийн ухаан, хэрэглээний шинжлэх ухаан: 1.Нэгдүгээр зохиогч-1 /2 сая төг/ 2.Холбоо барих зохиогч-1 /2 сая төг/ 3. Хамтран зохиогч- 1 /1 сая төг/ III. Нийгэм-хүмүүнлэг: 1.Нэгдүгээр зохиогч- 1 /2 сая төг/ 2.Холбоо барих зохиогч-1 /2 сая төг/ 3. Хамтран зохиогч - 1 /1 сая төг/ IV. Хамгийн олон бүтээл: Хамгийн олон бүтээл хэвлүүлсэн зохиогч -1 /4 сая төг/</p>